

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA

„HITNO PRITVOR“

Broj: T04 0 KT 0065062 25
Zenica, 22.08.2025. godine

OPĆINSKI SUD U TEŠNJU
Sudiji za prethodno saslušanje
TEŠANJ

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH (ZKP F BiH), podižemo

O P T U Ž N I C U

Protiv:

Š. E., osuđivan presudom Općinskog suda u ... broj ... od 19.03.2008. godine, zbog krivičnog djela teške krađe iz člana 287. stav 3. KZ F BiH u vezi sa članom 286. stav 2. KZ F BiH na kaznu zatvora u trajanju od tri mjeseca, uvjetno jedna godina i presudom Općinskog suda u ... broj ... od 28.03.2014. godine, zbog krivičnog djela nasilničko ponašanje iz člana 362. stav 2. KZ F BiH počinjenog u sticaju sa krivičnim djelom oštećenje tuđe stvari iz člana 293. stav 1. u vezi sa članom 13. i 54. KZ F BiH na kaznu zatvora u trajanju od šest mjeseci, uvjetno tri godine, nalazi se u pritvoru po rješenju Općinskog suda u ... broj: ... od 01.08.2025. godine od 31.07.2025. godine od 03:15 sati i traje do 31.08.2025.godine do 03:15 sati, branitelj po službenoj dužnosti Prnjavorac Fuad, advokat iz Tešnja,

što je,

dana 30.07.2025. godine, u T., suprotno odredbama člana 4. stav 1., 2, 3. i 5., a u vezi sa odredbom člana 20. Zakona o sprečavanju i suzbijanju zloupotrebe opojnih droga, u porodičnoj kući koja se nalazi na adresi ... broj, neovlašteno radi dalje prodaje kod sebe držao opojnu drogu amfetamin upakovanu u tri pvc vakum pakovanja neto mase 1006,42 grama, 1008,36 grama, 1003,09 grama (ukupno 3017,87 grama) koje su se nalazile u plastičnoj kutiji; šest vakum pakovanja bruto mase 8,524 grama, 11,465 grama, 10,864 grama, 9,087 grama, 11,394 grama i 30,427 grama i jedno vakum pakovanje u kojem su se nalazila četiri manja vakum pakovanja bruto mase 15,888 grama, 16,422 grama, 5,636 grama i 4,146 grama (ukupno 123,853 grama); otvoreno vakum pakovanje bruto mase 2,304 grama, koja droga je pod rednim brojem 13. Liste opojnih droga i rednim brojem 26. Liste psihotropnih tvari iz tablice I „Zabranjene tvari i biljke“ proglašena kao takvom, iako je znao i bio svjestan da je posjedovanje opojne droge radi dalje prodaje zakonom zabranjeno, što je i htio, kao i drvenu digitalnu vagu, metalnu cjevčicu dimenzija oko 9,5x0,7 cm, staklenu ploču dimenzija oko 17,5x22,5 cm, nepravilan komad bojele PVC kartice sa tragovima opojne droge amfetamin, te dvije crne digitalne vage, koja opojna droga i predmeti su od istog pronađeni i oduzeti od strane policijskih službenika PS Tešanj prilikom pretresa kuće,

dakle, radi dalje prodaje kod sebe posjedovao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga, stavljamo

PRIJEDLOG
dokaza koje treba izvesti

3. Predlažemo sudu da se na osnovu člana 78. stav 1. KZ F BiH i člana 238. stav 4. KZ F BiH od osumnjičenog Š. E. oduzme opojna droga „amfetamin“ preostala nakon vještačenja i predmeti: drvena digitalna vaga, metalna cjevčica, staklena ploča, oštećena bijela PVC kartica, dvije crne digitalne vage koje su upotrijebljene i bile namjenjene da budu upotrebljene za počinjenje krivičnog djela, koja opojna droga i predmeti se nalaze deponovani u KT Zenica.